



## Mwuumwuután aian ewe opposun *Pfizer* mei weiweita me atapwanapwan ren ewe *5-11 Guide*

Nón ewe Oktopér 29, 2021, *Pfizer* me *BioNTech* ra angei ewe *Emergency Use Authorization (EUA)* iká Mwuumwuután aian ei oppos mei weweita me atapwanapwan seni an Mwuum Merika ewe Pútai e angang ngeni Túmwúnún Sáfei me Mwéngé (*Food and Drug Administration*) ren aian ewe opposun eppetin COVID-19 ngeni ekkewe 5-11 ierir iwe ewe Meinapen *Centers for Disease Control* a épwúnganó aian.

- Ina mwo iká iei ew watten ekkesiwin mei mwúriné ngeni ach angang fáán iten anénépékún inetin ei oppos ngeni meinsin, ina epwe ekkis chék napeseni 25% úkkúkkún Saam me lin re pwáratá pwe ir mei mochen ar repwe “mwútir” ne sáfeni néur kewe semirit ier 5-11. Ren nón ewe Nofampér 15, a napeseni [3.64 minion](#) semirit kúkkún seni 12 ierir ra angei efóch oppos ren eppetin COVID-19. (Pórous e feito seni: *CDC*)
- Ewe *FDA* a mwuutatá aian opposun ewe *Pfizer-BioNTech* ngeni ekkewe semirit ier 5-11 me mwúrin ar angang weires me féóréchú tesin me ar kakaton pwúngúnón iká mei ifa ussun, iwe ewe *CDC* a pwan épéchékúna me pesei aian. Anóngónóng wón unusen watten pwúngún ir mei angei atun ewe ra sótuni, ewe *FDA* me *CDC* ra esinesin pwún ewe oppos mei éóchún aia me wor manamanan.
- Tori ikenái, mwúrin an a fite pwúkú minion oppos a nó ngeni ekkewe aramas ra watte me sáráfé, mei pwánó pwe ese wor keis an epwe [nómwotam ekkewe esisinen semwen wón emén](#) seni ewe opposun *Pfizer*. Kich mei sinei pwe mei eóch me wor manamanan ngeni ekkewe aramas ra watte- kich mei pwan kinamwe ach sia sinei pwe epwe pwan chék ina ussun ren ekkewe semirit. (Pórous a feito seni: *CDC*)

### Ekkewe karpas eis aramas ir mei soun eis

- **Epwe ifa ussun me ian nei we semirit epwe tongeni angei opposun eppetin ei semwen?**
  - Ei oppos ren eppetin ei semwen epwe kawor ren chómwóng me nein néún semirit kewe tóktér, ren ekkewe nenien chekin semwen me sáfai ir mei kan ánisi famini, ekkewe pútáin pioing e nómw ren nenieni, an mwuun kewe nenien chekin semwen me sáfai, nenien imwen sáfai, me an sukkun kewe nenien chekin semwen me sáfai. Mei pwan wor ren ekkóch neni, ren ekkewe nenien chekin semwen me sáfai ren ekkóch mei towaw iká chóókúkkún aramasan, Nenien chekin semwen me sáfai ngeni ekkewe wesetán chóón *Hawaii* me Nenien chekin semwen me sáfai ir mei angei ánini seni Mwuum. Ekkóch sukkun ir mei pwan awora opposun eppetin ei semwen ngeni famini. Sia pesei me épéchékúna ngeni meinsin ar repwe achocho ne nikitú nón ei atun ekkei chóón awora ei oppos ir mei chiwen féri anen ach sipwe etiwa chóón pwapwaiti me mochen angei. Checki meren noumw ewe wesetán tóktér, [Vaccines.gov](#), me ekkewe pútáin pioing ren neniomw na ren ian kopwe tongeni nó ian
- **Met sókofesenin ei opposun eppetin ei semwen ngeni semirit me watte?**
  - Ei opposun eppetin semwen ngeni semirit ier 5-11 mei 1/3 úkkúkkún seni ewe oppos sáráfé me watte re angei. Kéúkún ei oppos a kefinítá pwe epwe úkkúkéch me wor manamanan ngeni ewe kifetin nón inisin semirit ier 5-11 e fiu ngeni ménún semwen. Ei opposun eppetin semwen ese anóngónóng wón choun emén, nge e anóngónóng wón ierin kifetin en aramas e fiu ngeni ménún semwen. ([Pórous e etto seni: CDC](#))

- Ei opposun eppetin *COVID-19* epwe osukosuka an nei we semirit epwe tongeni néúnéú?
  - Apw. Ese wor [pisekin pwáratá pwe ekkewe](#) opposun eppetin semwen, fiti fengen me opposun eppetin *COVID-19* ir mei esenipato an epwe osukosuka an emén epwe tongeni néúnéú. Ewe *American College of Obstetrics and Gynecology* me *Gynecology and the American Society for Reproductive Medicine* (ekewe ir mei sinenap nón pekin kifetin aramas e wenengeni ar tufichin néúnéú) ir me ruu ra épéchékúna an aramas repwe angei ewe opposun eppetin *COVID-19*. ([Pórous e etto seni: ACOG](#))
- Nei we semirit mei tongeni angei ewe opposun eppetin *COVID-19* fengen me pwan ekkóch oppos fan ew?
  - Ewer! Me ren ewe *CDC* me *American Academy of Pediatrics*, ekewe opposun eppetin semwen semirit re kan angei nekúkkúnúr me ekewe opposun eppetin máter mei pwan eóch an epwe chék fiti ewe opposun eppetin *COVID-19* fan ew. ([Pórous a feito seni: CDC](#))
- Met ekkán esisinen semwen epwe nómwótam wón en semirit mwúrin an angei ei opposun eppetin ei semwen? Epwe ifa ussun ach sipwe faat pwe ei opposun eppetin ei semwen mei éóch?
  - Ussun chék ekewe opposun eppetin semwen, mei wor esisinen semwen seni ei oppos epwe fiis nón mwochomwochen fansoun ren metekin sópwun paaw me pwichikar. Sise mwo kúna esisinen semwen epwe etto seni ei oppos epwe nómwotam mwúrin akarap ew ier ach ngeni fite pwúkú minion aramas ra watte ei oppos, iwe sise pwan núkú pwe epwe wor esisinen semwen me mwúrin ei oppos epwe nómwotam wón ekkán semirit me núkkún an epwe epeti semwenin *COVID-19*. ([Pórous a feito seni: CDC](#))
- Epwe kon nap éóchún eppetin ei semwen seni ngawan?
  - Ewer. Ewe *American Association of Pediatrics* mei pesei me épéchékúna an meinisin semirit nimwu ier me watte seni repwe angei ei opposun eppetin *COVID-19* iká pwe ese watte ngenir semwen me ngawen ekewe opposun eppetin semwen. Nón ekewe keis, ese kon nap an fiis, nge e pwono en ngasangas, ussun ewe semwen itan *myocarditis*, mei wor ekkóch tóokter me sou tipachem ir mei pwúkún imwuno won ar re katonéóchú ekewe pórous mei ioi fengen iwe ra tipew fengen pwe ekewe esisinen semwen epwe tori semirit mwúrin ar angei ewe opposun eppetin *COVID-19* e kúkkún nap seni feingawen an epwe úrir ewe semwenin *COVID-19*. Ir mei pwan tipew fengen pwe feingawen emén nupwen fansoun epwe tori *COVID-19* e kon nap seni met ekewe esisinen semwen mei tongeni tori me mwúrin an a angei ei oppos ren eppetin semwen. ([Pórous a feito seni: CDC](#))

This publication was made possible by cooperative agreement CDC-RFA-IP21-2106 from the Centers for Disease Control and Prevention of the U.S. Department of Health and Human Services (HHS). Its contents are solely the responsibility of the authors and do not necessarily represent the official views of CDC/HHS.

Nó ngeni [apiahf.org](#) me [madetosave.org](#) ren fitu sókkun nenien me pekin ánis me pórous epwe anisi ne epeti ewe semwenin *COVID-19* sonuk me atongeomw kewe.